

## **Bix u grabarta'al paax ku yu'uba'al ti' radio:**

- 1** Ts'a ichil le no'oj kúuchilo' jump'éeel túumben cassette, ba'ale' u yiche' yaan u p'áatal aktáan ti' teech.
- 2** Kaxant tu'ux ku ya'alik RADIO ka a yéey le kúuchil a k'áat a wu'uyo' AM wa FM.
- 3** Ts'áank'abt tu ka'ap'éeelil le péets'k'abilo'ob tu'ux ku ya'alik grabar yéetel u beeta'al u paaxo'. Beyo' táan a grabartik jump'éeel paax.

## **Kanáambailo'ob.**

- 1** Ma' a cho'ik yéetel uláak' ba'alo'ob wa ma' alcoholi' tumen je'el u k'astal le ba'ax beetik u juumo'. Chen alcohol kun k'a'abéetchajal tech utia'al a cho'ik.
- 2** Ma' a nats'ik máaskabil ba'alo'ob ti' le nu'ukula' tumen je'el u ch'e'ejkúuntik u juume'.
- 3** Il a wil ma' a p'atik u nu'ukul a wu'uyik paax tu'ux jach chokoj u yooxol waba'ax wa tu'ux ku juul k'iin.

**U tsoolil  
u meyajta'al  
radiograbadora**



## **U meyaj yéetel u cableil AC.**

- **1** Ma'ili' a beet u paax le nu'ukulo' ts'a tu p'iis le corriente unaj u meyaj ti'o' 110v wa 220v. Áantabaj yéetel jump'éeel u nu'ukulil u wa'ach'al ba'alo'ob.
- **2** Jóok'es u cableil AC yaan tu kúuchil tu'ux ku ts'a'abal bateriao'ob. Ku ts'o'okole' ka ts'otik tu'ux unaj u bin cable AC.

## **Utia'al u beeta'al u paax le cassetteo'. U ts'o'otol jump'éeel cassette:**

- **1** Yáaxe' ts'áank'abt u péets'k'abil tu'ux ku ye'esik u je'elsa'al wa u jóok'esa'al cassette, yo'olal a je'ik le kúuchil tu'ux ku ts'o'otol le cassetteo'.
- **2** Ku yokesa'al le cassetteo', chéen ba'ale' il a wil u p'áatal aktáan tech u yich le cassette kun k'a'abéetchajal a wu'uyiko', a grabartik yaanal paax wa a tupik ba'ax yaan ti'.
- **3** K'al le kúuchil tu'ux ta ts'otaj le cassetteo'.

## **U beeta'al u paax jump'éeel cassette:**

- **1** Kaxant u péets'k'abil tu'ux ku yéeya'al ba'ax ken u beet le nu'ukulo' ka a ts'a tu'ux ku ya'alik "TAPE".
- **2** Ts'áank'abt u péets'k'abil tu'ux ku ya'alik u káajal paax.
- **3** Utia'al a je'elsik u suut le cassetteo', chéen u ts'áank'abtik u péets'k'abil JE'ELSAJ/JÓOK'ESAJ.

## **U séeb yáalkabaansa'al wa u walak'sutta'al jump'éeel cassett:**

- **1** Je'el u páajtal a beetik u bin séeba'an le cassette wa ka ts'áank'abtik le u péets'k'abil ku ya'alik u séebkunta'al u yáalkab le cassette tak tu xuulo'.
- **2** Utia'al u su'utul tak tu'ux ku káajal le k'aayo', chéen ka ts'áank'abtik le péets'k'abil ku walak'suttik tak tu'ux ku káajalo'.